

## Hakija Jahić, dipl.inž.geod.



Dana 31.12.2013. iznenada je preminuo kolega Hakija Jahić.

Rahmetli Hakija Jahić rođen je 27.03.1955. godine u selu Kale, opština Konjic. Osnovnu školu i gimnaziju završio je u Konjicu. Poslije srednje škole upisuje se na Građevinski fakultet - Odsjek za geodeziju u Sarajevu na kojem je diplomirao 1978. godine i stekao zvanje diplomiranog inženjera geodezije.

Po završetku studija zapošljava se u RO "Vodoprivreda BiH" OOUR "Bujice" Konjic, gdje radi na poslovima inženjerske geodezije. U toku rata svojim velikim iskustvom doprinio je odbrani BiH. Po završetku rata, 1996. godine, registruje privatnu kompaniju PD "GEOBIRO" d.o.o. Konjic koja se bavi inženjerskim i konsultantskim

uslugama iz oblasti geodezije, sve do iznenadne smrti.

Porodični život proveo je sa suprugom Nadžidom, s kojom ima dva sina: Edina i Enesa. Edin je završio Građevinski fakultet u Sarajevu - smjer konstrukcije, zaposlen je u IPSA Institutu Sarajevo, dok je Enes student završne godine drugog ciklusa studija pri Odsjeku za geodeziju Građevinskog fakulteta u Sarajevu.

Smrću našeg kolege izgubili smo čestitog čovjeka, a porodica uzoritog oca i supruga, za čije ime se vezuju brojni uspjesi, kojeg je zračila njegova puna otvorenost, sposobnost, profesionalni uticaj i oslonac mnogima, spremnim na dijalog i kolegijalnu otvorenost.

Njegov prerani odlazak ostavio je tugu među njegovim kolegama, saradnicima, poznanicima i brojnim prijateljima, čije će ime i njegov lik ostati duboko urezani u naša sjećanja.

Dženaza je obavljena 01.01.2014. godine na mezarju Musala u Konjicu. Ispraćen je od porodice i velikog broja prijatelja i sugrađana.

Neka je vječni rahmet našem Haki ...

*Fahrudin Đuzo*